

Алёна Шомысова

ЧОВ!



милли
вып
милли
забои

и был
тот
дети
взрослые
идут

ЮНКО ПАВЛЫ
ЮГЫД ДА СӨСТӨМ
СӨБЛӨМКҮЛӨМҮЭ СӨМӨН

Аиёне Шамисова

9.07.2013

Алёна Шомысова

ЧОВ!

Тилуи илйи ж вын,
Кай Велакт тэт обн,
Рарин шенс дитыс ков,
Мертн избагон междина обн,
Мам

Сыктывкар

Коми Республикаса гижысь котыр

2012

ББК 84(2Рос=Коми)

Ш78

*Издано при финансовой поддержке Агентства Республики Коми
по печати и массовым коммуникациям*

Небӧгсӧ серпасаліс Лисовский Ю.Н.

Шомысова А.А.

Ш78 Чӧв! Кывбуръяс.– Сыктывкар: Коми Республикаса гижысь котыр, 2012.– 32 л.б.

Том гижысьлӧн книгаӧ пырисны дас воӧн чӧжӧм кывбуръяс. Лыддысьысь водзын Алёна, быттӧ матысса йӧз водзын, восьтӧ сьӧлӧмсӧ и ловсӧ, мӧвпалӧ кад, морт олӧм да кывлӧн вын йылысь.

ББК 84(2Рос=Коми)

ISBN 978-5-7934-0481-5

© Шомысова А.А., 2012

© Лисовский Ю.Н., оформление, 2012

© Союз писателей Республики Коми, 2012

Олөм чөж
лов пытшкам
лэпта пос.
Тэча шудысь
и тэча шогысь.
Сэті и вуджа
олөмсө.

2011.10.09

ЭЖВАВЫВСА БИЯС

Эжва вылын югзялӧны бияс,
Эзысь рӧмӧн вералӧ ю выв,
Небыдика валъялӧны гыяс,
Гӧгӧр чӧв-лӧнь, некодӧ оз кыв.

Быттьӧ вичкопытшса вежа бияс,
Нюжӧдчӧны Енлань – сійӧ эм,
Кызди йӧзыс кыпӧдӧны кияс,
Сетас мед бур шуд да кузьджык нэм.

Сэтшӧм кокни лои сьӧлӧм вылын,
Юрысь петӧ-быри шогсьӧм-тӧжд.
Тайӧ бияс пытшкас быттьӧ сылӧ...
Наын эськӧ овны олӧм чӧж!

Эжва вылын югзялӧны бияс,
Вежалунӧн ӧвтӧ гӧгӧрбок...
Сьӧлӧмӧй кӧ вӧяс гажтӧм пиас,
Кыз нӧ бара татчӧ ме ог лок?

2005

МАМЛЫ

Менам абу велалёма
лоны меліён,
лоны восьсаён.
И öні сöмын верма гижны кывбурын:
«Мамук, мусаöй,
ме тэнö радейта!
Помнитан,
тэ веськавлін больничаö?
Сэки ме, ичöтик нывка,
бöрдлі,
окавлі тэнсьыд платтьöтö
и кевми Енмыслысь,
мед öдйöджык локтан...
Гортö волігөн кор
петан меным воча
да небыда нюммунан,
сьöлöмöй топавлö мелілунысла».
Но синмад веськыда бара на ог шу:
«Ме тэнö радейта».

2008, урасьём

* * *

Быд кывйö кө
дзумгысян –
дзоридзö мазі моз,
Быд кывйысь кө
тыдöдан
саймовтчöм мичлунсö,
Сэк кывбурыд
оз öмöй
сыв вомад
ма чир моз?..

2010.12.13

СӨСТӨМ КАБАЛА

Бобувъясөн
воисны мөвпъясөй
биа өшинь дорё,
пырисны керкаё,
но войбыднас
некод на пиысь
эз коль борд серсё
сөстөм кабаля.
А асывнас
өшиньсө восьтіс төлөн,
и кабаляыс
жбыркнитіс ывлаё.
Гашкё пё,
енэжыс
зэр тусьён
инмөдчас?
Лов вылад өд
сэтшөм тыртөм,
кор еджыд вылас
ни өти пас абу.

2009, ода-кора

КЫВЪЯС-КОРЪЯС

Кылалісны кывъясöй виж коръясöн,
Кылалісны арся юлөн визулөд.
Дзебсясисны, вöйласисны, вописны.

Öткымыныс сюрласисны, кыялі,
Кыялі да кывбуръясöс лöсьöдлі,
Лöсьöдлі да мича рöмөн серлөдлі,
Бордйöді да сывны найöс ысталі.

Öткымыныс ю пыдöсö вöйтчисны,
Вöйтчисны да оз нин бöрсö кыпавны,
Оз нин бöрсö кыпавны, оз воссьыны,
Ловтöм сьöкыд изйöн сэтчö сибдісны.

Кылалісны кывъясöй виж коръясöн,
Кылалісны арся юлөн визулөд...

2009.10.01

АРЛӨН ГИЖӨД

Арыс серөдіс гылалөм коръяснас муывивса эжсө,
Быттьö мичаа гижалис вөр-валысь быдсяма дум.
Сылөн гижөдыс вочасөн сьöктаммис, содіс да вежсис,
Быттьö арыслы отсасис вөр-васа кутшöмкö тун.

Арыс ворсөдчис-кышөдчис корнас, кыздз мөвпгьясөн гижысь,
Сöмын öта-мөд бөрсяыс тэчигас нимсö эз сет.
Сійö сёрнитіс рөмөн: и гөрдөн, и рудөн, и вижөн,
И быд кор вылө визьйөдліс стихьяссö, быттьö поэт.

И ме босътчывлі вежөртны арыслысь гижөдсö тайöс,
Сöмын мыйлакö сідз эг и гөгөрво ни öти кор...
Арыс такөдіс менö, эн шогсы пö, кадыс кор воас,
Тэныд вөр-ваыс ёртлы моз вашкөдас быд гусятор.

2010.11.15–2010.11.17

ЛЕЖНӨГ

Кор ме дөзмывла
тэ вылө
дыр кезлө,
аддза ачымөс
кодөнкө чегөм,
но бытшласысь
лежнөг чалльөн...
Кор ми бураслам,
емъясыс вошлөны.
И сьөлөм ыпъялөмөй
сэки
лежнөг чвет.

2008.03.24

* * *

— Пöляв! Пöляв!—

горза тэныд

сьöd вөр шöрын

пемыд войö

öдва чусалысь

посни öгыр весьтын.

Тэ пöльыштан,

биторйыс ловзылас,

би кывнас ворсны пондылас,

но бөр кусö.

Муслунным лаймаліс тадзи жö...

И эз и öзйы.

2008.04.23

ЧӨРС

Важ ковтөм көлуй лөскө¹ талун каті,
И баблөн чөрсыс ки улө мен сюри.
Сэк дум вылам пыр воис сійө кадыс,
Кор печкөм сайын рытыс баблөн тюрис.

Гөрд джоджын чөрсыс чожа йөктіс-шургис
Да мургис кудель печкысьяслысь сбылан.
И шойччысь кань моз лөсьыдысла кургис,
Кор артмөм шөртсө быдмаліс ас вылас...

Кузь олөм чөжыс бабөн печкөм шөртыс
Ас нэм кузьтаыс, йитны кө, оз ло мөй?
А гашкө, бабөй збыльысь печкис-пөртіс
Чөрс вылас гартчысь шөртас ассыс олөм?

Но өні сылөн чөрсыс лои ковтөм
И мудзөм төв моз другысь быттьө раммис.
А уджавтөгыс сійө талун ловтөм,
Өд печкынысө некод нин оз сяммы.

Но чөрслөн швыргөм юрам век на кылө,
Чус² кодкө водзө лоан кадсө нөдө
И менсьым да и йөзлысь олөм-вылөм,
И, кодлөн мыйта лоө, водзвыв төдө.

¹ Лөс – чардак.

² Чус – быттьө.

А гашкө, тайö чöрсыс – ота ылдöс,
И Енкöлаыс бергалö сы гөгөр.
Но кытшсö артавны оз судзсыс лыдпас,
Дай некод оз куж Енкöлаыс ötдop.

Но эм-ö кодкö Енкöласö кутысь,
Код сылысь нэмсö водзвыв аддзö-тöдö?
А гашкö, сійö збыльысь артмис чутысь
Да помтöг содö ыджыд-ыджыд öдөн?

Дзик вермас лоны, Енкöлаыс коркö
Друг чинас да и пöртчас кöдзыд руö.
И миянлөн му вылысь олөм торкас
Да ставсö нуас аскöдыс сьöд гуö...

Морт бöрын векджык кöлуй-эмбур кольö,
Но вöдитчысьтöг олөмныс тшöтш орö.
А бабöй йылысь öнi меным дольö
Важ чöрсыс журын ловзьöм шурган горөн.

И менам, гашкö, коркö нучка лоас,
Но оз нин кывлы печкан чöрслысь шургөм,
А баблөн керкаö кö коркö быттьö воас,
Чöв-лөнныс сылы мöд ног воссяс-юргас.

2011.07.25–2011.08.13

* * *

Öти öшинь
пöчöй
некор эз тупкывлы,
медым садьмыны
чеччысь шондiлөн
медводдза югөркөд.
Öнi пöчöй абу нин,
но лолыс воывлө –
инмö öшиняс
шондi югөрөн.
Сöмын тупкыса öшинь
оз лэдз керкаас
сылысь дзарсö.

2011.08.20

Жыр пельöсам
нюмвидзö гитара,
вöйысьö киа́м,
а менам ловлы
оз сывссы,
быттö кодкö дзугöма
сылысь шыладсö.
Сöмын зэв шоча,
кор төлысь югöрыс
сидзлö морöс шöрöдз,
лов гөрöдöй зэлалö
да пондö шыавны
посни тільгун моз.
Сэки ме босьта киа́м гитара.
Чунь помъя́снам вöрзьöда
сылысь ловсö.

2007.02.28

ГЫЛАЛӨМ КОДЗУВ

Тавой ме өкті
му вылысь
енэжса вöсьсö¹—
кодзувсö
ыджыд чуман тыр
да муні разöдны найöс.
Но некод эз босът
гылалөм кодзувсö
аслас енэжö...

2009, йирым

¹Вöсь – жемчуг.

* * *

Талун сьодовруд кымөръяс коластас ме ог сун,
Медым кыпөдны ловруос енэжлөн тувсов лөзөн –
Сійөн сьолөмөс өтарө шымыртө жугыльлун,
Кыдзи зэрласьысь ывласө – вой төвлөн гажтөм льөмзөм.

Кымөр эшкынысь кадысь-кад корсяла лөзов син.
Гашкө-й, збыльысь сэн мөдарас анделөй менө виччө,
Медым бара на уськөдны лов пытшкам зарни кинь,
Коді сявкнитас бөрыннас кывъяслөн югыз мичөн.

Ясыд лунъясө енэжыс шөпкөдчө мекөд век.
И тшөтш муюгыз олөмсө мойдигсор кисьтө лолам.
А ме видзөда сьолөмөй бурмытөдз лөзсө сэк,–
Ачым сынөд кодь дзирыдөн здук кезлө быттьө лола.

2011.09.03

2. Шомысова Алёна.

ЧӨВ!

Талун нинөм эн висьтав. Чөв.
Колө велаvны тэтөг овны,—
Разьны миянөс йитысь көв,
Медым лэбачөн мездмас ловным.

Чайтiм, дойнымөс вуштас төв,
Өта-мөдлы кө лоам ёртөн.
Сөмын мөдарё на: кык пөв
Содіс шогыс кык шудтөм мортлөн.

Нинөм вежны он вермы. Чөв!
Важас дорөмыд асьтө чептөн.
Мича мөвпъястө юрсьыд чөвт:
Кисьтөм олөмтө выльысь лэпты.

2012.02.13

ВОЙСЯ БАБИЧА¹

Биа өшиньö рытнас таркөдчис
Эзысь бордъяса войся бабича.
Ывла пемыдас помтөг шпорөдчис,
Быттьö восьтыны корис каличсö.

Өшинь костөді – гортö жбыркнитіс
Сөрмөм гөстя моз тэрыб вöрасөн,
Быттьö меланьö друтысь ыркнитіс
Мелі төврулөн небыд пöльыштөм.

Войся бабича йөктіс-гөграліс
Лампа би дорті, гашкө, шонтысис,
Сэсся ме гөгөр дыркодь бергаліс,
Быттьö висьтавыны мыйкө дасьтысис.

Коркө-й шпоркнитіс ен ув пельөсö,
Бордсö сиптөмөн лөня пукыштіс,
Сэсся образъяс увсьыс пернасö,
Баблысь пернасö рама окыштіс...

И ме велалі: тайö бабушöй
Асьсö казътыштны сійөс ыстыліс,
Войся бабича баблысь лов шысö
Жырийөд лэбаліг мелань өвтыштіс...

2010.11.13

¹Бабича – бобув.

ГЕННАДИЙ РАЙШЕВЛӨН¹ СЕРПАСЪЯСЛЫ ЙӨЛӨГА

1. Ичөт Му шар

Ичөтдырйиыд
 челядь мывкыднад
 пыр чайтсис,
мый чужан сиктыд
 да сійөс асыкалысь вёрыс –
 тайö Му шар джынйыс,
а мөдар джынъяс –
 ставыс увлань юрөн:
 и керкаясыс, и пуясыс, и йöзыс...
Уна во мысти гөгөрвоан:
 сиктыд Му вылас –
 сöмын муртса тыдалана чут.
Но сійö пыр кeжлö
 кольö сьөлöмад
 ичөт Му шарөн.

2011.01.29

¹Геннадий Райшев – ханты художник, Россияса художник кo-
тырö пырысь.

2. Пу

Енкöла шöрас
вужъяснас вывлань,
туганнас увлань
грымвидзö Олöм Пу.
Вож вылас гөгöр
сярвидзö öшйöм
унакодъ кодзув,
быттьöкö розъя пув.
Орччöнмоз кывтлысь
шондiсö дзоньнас
нбылыштлö Пуыс,
ыштöкö джуджыд ры.
Шондiыс сэки
виччысьтöг бердлö –
асыкыс вижөн
тöдчöдö Пулысь мыг.

2011.01.30

МЕНАМ ЧЕХИЯ

Ас му

Төдтөм уличьяс,
төдтөм сёрни,
сөмын мыйлако чайтсьо —
ас.

Гөгөр вежодысь
югыд вөр-пу
меным казътывлө
гортса рас.
Лэбач дзользьомөн
юргысь асыв
гурийв паськодө
ота сыв.

Войнас баййөдө
лөня шувгысь
джуджыд пуяслөн
сыланкыв.

Тані олөмыс
ньөжйө кывтө,
кыдзи каршөrsa
векньыд ю.

Тані гортад моз
ловнад лөньлан,
кыдзи лым улын
шойччысь му.

* * *

Изъя туйыс
векни ю моз
чукльöдлö карöдыс.
Тайö туйöдыс восьлалан да –
воддза нэмö быттö сунлан.
И изъяслысь казътылөмсö
гумовтлан вежöрад –
налөн паметьö
кольöма
чужан ю шöпкöмыс.

* * *

Ыджыд изъяс костöд ыльгысь ваён
визувтö кадыс,
и горштö веськöдны
содзтö лöсьöдигөн
вала нюжöдчö öтпырийö
уна сё ки.
Йиа ваыс помтöг тыртö став содзсö,
и сійöс гулькнитöм быд морт
нуö ас пыткас
кадыслысь ловсö.
Но йöзсö он аддзы.
Найö саймовтчöмаось
нэмъяслөн ру пыткас.
И тэ аскöдыд öнi сулалан öтнад.

Енкайяс

Енкайяслөн дзользьёмыс
кыпалё кымөръясысь вылөджык
и муюгыдсö кытшовтём бöрын
киссьö-разалё вежа зэрөн.
Шонді улын
зарниасьысь ва увтіыс мунігөн
лолад йөлöгаалöны
важ йөзлөн гөлөсьясныс...
Но сöмын енкайяслы
усьöма пуд ловзьöдны найöс
сьылöманыс —
сьөлöманыс.

Пос

1

Карл нима пос
нюжөдчöма
Влтава ю вомөн
серөдём мегыр моз,
и чайтан,
сійö век пондас вуджөдны йөзсö
öти берегысь —
мөдö,
нэмысь —
нэмö,
и сылөн олöмын
нинöмыс оз вежсьы.

И местасъыс весигтö чуñ вомлöс мында
оз вешты сійöс кадыс.

Но войяснас, кор Прага узьö
и мунысь-ветлысьыс абу,
поскыслөн орöдчылö лолыс
и домысь лэдзöм том чибö моз
рöдтö вывлань,
сійöс чужтöм енэж сьöмöсö,
да асылöдзыс йöктö-лэбалö сәни
ас кодъыс жö шуда пос ловъяскöд.

Войся пос вылö сэки
весиг гулю оз пуксьы –
полö: измас.

2

Посыввса статуяыс
абу-ö измöм морт?
Сылөн синмыс
кыскöмөн кыскö ас дорас,
быттö кöсйö висьтавны мыйкö,
но здук кежлö артмылöм йитöдсö
орöдö йöзлөн локтöмыс.
Статуя дорысь ылыстчигөн
дыр на кылан мышнад
нор видзöдлассö,
быттö ёртыдлысь,
кодi сiдз эз и вермы
юксьыны тэкöд шогнас,
а тэ тайöс гөгөрвоин,
но нинöмөн эн отсав.

Паськыд Влтава
 тувсовъя ыджыд ванас
 нуис нин уна пос:
 найö торкисны
 сылөн визувлысь öдсö.
 Но öти пос,
 Карл нима,
 вörзьöдіс сійöс мичлуннас
 да раммöдіс,
 быттьöкö йöзыс лэптисны тайö поссö
 юыслы верöс туйö
 да чунькытшалісны поснас Влтавасö...
 Тулыснас ойдөм ю
 азыма окаліс сійöс
 да вашкөдіс мелі кывъяс.
 А послөн медыджыд көсйöмыс вöлі,
 медым Влтава öдйöджык нуас сійöс татысь
 да мынөм пыжлы моз
 лэдзас бөрйыны ассъыс туй.

Öтка керка

Öшиньöд тыдалысь
 сад пытшкын
 овтөм öтка керка
 жугыля видзöдіс мелань,
 быттьö корис матыстчывны.
 Но сы дорö нуöдысь туйыс
 меным эз сюр,
 быттьö керкаыс

сулаліс эз ывлаын,
а оліс өшиням.
Аддзытөм туйыс
плавгысис лолам
збыльмытөм көсйөмөн,
и воысь-во
сйё пондас содны
помасьлытөм шөрт моз.

Чужан керкай
дум вылө усьлігөн
корө жө менө воыны,
но он тай другөн вудж туйсө
дай шөрт моз он гартышт.

Кыр йылө туй

1

Важ кадлөн пасөн меным лои
джуджыд кырйывса башня.
И восьтыны аслым сйёс
кайи кыр йылө катөдысь туйөд.
Важ кадыс ыркнитіс мелань
и из тэчассянь,
и нитшсялөм лабичсянь,
и му веркөсө петөм гырысь пу вужсянь.
Эз ыркнит сөмын башнясянь:
кыр йылө пуксьөм виль олөмыс, буракө,
курыштөма казьтылөмсө —
юкмөсөс моз косьтөма.

И öнi он нин чöсмась
сьöлöмтö мыськовтысь ваөн.

2

Пу вылын морт син.
Кадөн рисуйтöм видзöдлас.
Сийö азыма нёджъялис¹ менö,
быттьö кöсийс лыддьыны лолöс.
И казътыштiс таөн бабöс:
бабöй лунтыр жö
видзöдiс öшиньöд ветлысь-мунысьöс.

А сы вылö мелiа дзорвидзис
джуджыд кызд пуыс.

Платан

Ота пучера пуөн – платанөн –
мен петкöдчис муслун.
Сы дорö вайöдiс сьöлöмöй асья лöняс.
Кикарöс пучерас пуктi,
и меö сöдзтысис еньюгыд выныс,
востымөн ыпмунiс пытшкöсам
югöрсö чöвтiг,
ырнялысь би киньөн
сьöлöмам войтыштiс-водiс.
Тайö би киньсö
олöм чöж лелькуйтны понда,

¹ Нёджъявны – видзöдны.

медым вежөртны
муслунлысь шемөстан ыджыд вынсö.
Оз кө коркө востымö пөр
да енъяугыдас воштысь.

Гашкө, тайос жö мөвпыштліс
платан улын
Платон
муслун йылысь Федркөд сёрнитігөн?..¹

2011.09.05–2011.12.12

¹Платан улын Сократ сёрнитö Федркөд радейтöм йылысь. Сократ дорйö радейтöмсö, аддзö сыын лов кыпöдан вын.

* * *

Енэжланьысджык колө кутчысьны,
енэжланьысджык,
мед турөбыс тэнö оз нобав
и му бердас йөрт.

И кок туйыд медкө оз төдчы
и туйпомыд вошас,
өд сэтчаньыс тэнö
некод корсьны оз мөд.

Енэжтасөдыс тувчав тэрмасьтөг,
енэжтасөдыс,
и велөдчы торйөдны гөгөрсьыд
быдсяма пас,
мед олөмыд дозмөрлөн быдзанөн
паськыда воссяс
и сьөлөм өдзөссьыд вештас
сьөдасьөм тас.

Енэж сьөмөсас сэсся кыпөдчы,
енэж сьөмөсас,
и сьөлөмтө мый вынсьыд пыдзрав,
кызд гудөк мек,
мед лолыд сынөдсьыс донджык
да сөстөмджык лоас.
И сэк сөмын эска ме тэныд.
Сөмын сэк.

2012.02.15

ЮРИНДАЛЫСЬ

«Олөм чөж...»	3
Эжвавывса бияс	4
Мамлы	5
«Быд кывйö кө...»	6
Сöstөм кабала	7
Кывъяс-коръяс	8
Арлөн гижöd	9
Лежнög	10
«Пöляв! Пöляв!..»	11
Чöрс	12
«Öти öшинь...»	14
«Жыр пельöсам...»	15
Гылалөм кодзув	16
«Талун сьодовруд кымөръяс коластас ме ог сун...»	17
Чöv!	18
Войся бабича	19
Геннадий Райшевлөн серпасъяслы йөлöга	20
Менам Чехия	22
«Енэжланьысджык колö кутчысьны...»	30

Литературно-художественное издание
ШОМЫСОВА Алёна Александровна
МОЛЧИ!

Стихи

На коми языке

Художник Ю.Н. Лисовский

Фотографии Е.В. Козлова

Редактор Е.Е. Афанасьева

Компьютерная верстка – П.И. Симпелев

Корректор Н.Ф. Габова

Подписано к печати 12.07.2012. Формат 70х90 ¹/₃₂.

Бумага офсетная. Гарнитура «Minion». Печать офсетная
Уч.-изд. л. 1,0. Усл.-печ. л. 1,17. Тираж 900. Заказ № 4201.

Союз писателей Республики Коми
167982, г. Сыктывкар, ул. К.Маркса, 229

**Отпечатано в полном соответствии с качеством предоставленных
материалов в ООО «Коми республиканская типография»**

167000, г. Сыктывкар, ул. В.Савина, 81



Алёна Шомысова чужис 1986 воын Кулёмдін районса
Скөрөдүм грездын. Помалис Сыктывкарса государст-
венной университет, коми филология факультет.
Гижодъяссö йöзöдлiс коми газет-журналын да
альманахъясын. 2011 воын петiс «Дзар» небöг.
А. Шомысова уджалö «Войвыв кодзув» журнал
редакцияын.

Сыктывкар
Коми Республикаса гижысь котыр
2012

Тимур
Калё
Ражин
Исуп